

Izmjene i dopune Općih uvjeta korištenja aplikacije za praćenje i evidenciju uplata u Institutu za intelektualno vlasništvo BiH

U Općim uvjetima korištenja aplikacije za praćenje i evidenciju uplata u Institutu za intelektualno vlasništvo BiH poglavlje "Korištenje „E-uplata“ aplikacije" mijenja se i glasi:

Korištenjem „E-uplata“ aplikacije, Korisnik inicira zaduženje radi dodjeljivanja poziva na broj u svrhu plaćanja administrativnih taksi i posebnih troškova postupka za određenu radnju pred Institutom.

Institut nakon iniciranja zaduženja dodjeljuje poziv na broj, a Korisniku se automatski šalje obavještenje putem e-maila da mu je dodijeljen poziv na broj i da je Instrukciju za plaćanje dužan preuzeti u roku od osam dana.

Klikom na komandu „Štampaj“ se učitava Instrukcija za plaćanje sa traženim zaduženjem i potrebnim podacima za plaćanje, a Institutu se automatski šalje podatak o preuzimanju.

Korisnik je saglasan da je trenutkom preuzimanja Instrukcije za plaćanje valjano izvršena dostava i da počinje teći rok za plaćanje. Pod preuzimanjem Instrukcije za plaćanje se smatra trenutak kada korisnik pokrene komandu „Štampaj“, a zatim potvrdno odgovori na dodatno pitanje inicirano pokretanjem navedene komande.

Ako korisnik u roku od osam dana od dana zaprimanja obavještenja putem e-maila da mu je dodijeljen poziv na broj ne preuzme Instrukciju za plaćanje, smatra se da je dostavljanje izvršeno istekom osmog dana od dana slanja obavještenja, nakon čega počinje teći rok za plaćanje.

Istekom osmog dana Korisnik će moći preuzeti Instrukciju za plaćanje putem „E-uplata“ aplikacije ili u prostorijama Instituta, s tim da je rok za plaćanje već počeo teći istekom osmog dana od dana slanja obavještenja.

Iznimno, u slučaju kada zaduženje nije izvršeno samostalno od strane Korisnika, nego od strane službenika Instituta i gdje ne postoji mogućnost preuzimanja instrukcije za plaćanje (nije vidljiva ikonica printera), rok za plaćanje počinje teći od dana preuzimanja pismena.

Izmjene i dopune Općih uvjeta objavit će se na internetskim stranicama Instituta i primjenjuju se od 10.03.2020. godine.